



DRUŠTVO CRVENOG KRSTA/KRIŽA BOSNE I HERCEGOVINE
CRVENI KRIŽ FEDERACIJE BOSNE I HERCEGOVINE

Crveni križ Federacije BiH"
Nedima Filipovića 9, 71120 Sarajevo
Tel.: +387 33 645 746
E-mail: sjediste@ckfbih.ba

U službi humanosti!

Osnivač Međunarodnog pokreta **Crvenog križa i Crvenog polumjeseca je Anri Dinan**, Švicarski trgovac koji se 1859. godine zatekao na bojnopolju kod Solferina i svjedočio patnjama, agoniji i smrti na hiljade vojnika. **Svjetski dan Crvenog križa i Crvenog polumjeseca** obilježava se **8.05.** u čast Anri Dinana koji rođen na taj dan.

Crveni križ Federacije BiH

Crveni križ Federacije BiH je sastavni dio Društva Crvenog krsta/križa Bosne i Hercegovine koje **djeluje od 1912 kada se prvi oblici organizovanja pojavljuju u Tuzli**. Formiran je 1997. godine kao humanitarna, dobrovoljna organizacija od posebnog društvenog interesa za Federaciju Bosne i Hercegovine, koja radi ostvarivanja humanitarnih ciljeva i pomoći u oblasti socijalne i zdravstvene djelatnosti, djeluje na osnovu misije i principa Međunarodnog pokreta Crvenog križa i Crvenog polumjeseca i to: humanosti, nepristranosti, neutralnosti, neovisnosti, dobrovoljnosti, jedinstva i univerzalnosti te Ženevskih konvencija i Dopunskih protokola.

Ciljevi Crvenog križa FBiH su:

- Ublažavanje ljudskih patnji, a posebno onih izazvanih velikim prirodnim nepogodama, drugim masovnim nesrećama, katastrofama i oružanim sukobima;
- Podizanje zdravstvene kulture stanovništva, u skladu sa Zakonom o Crvenom križu FBiH;
- Podsticanje, unapređenje i propagiranje socijalne sigurnosti građana, solidarnost i propagiranje međusobnog pomaganja;
- Unapređenje i propagiranje načela Međunarodnog pokreta Crvenog križa i Crvenog polumjeseca kao i međunarodnog humanitarnog prava, među stanovništvom, te načela ljudskih i dječijih prava;
- Propagiranje i unapređenje ideala mira, uzajamnog poštovanja i razumijevanja među svim ljudima i narodima;
- Praćenje i koordinacija aktivnosti organizacija Crvenog križa (kantona, grada, općina/opština)

Svoje humanitarne ciljeve i zadatke Crveni križ FBiH ostvaruje u oblasti zaštite i unaprjeđenja zdravlja, socijalne zaštite, zdravstvenog i humanitarnog odgoja i obrazovanja. U situacijama prirodnih i drugih nesreća Crveni križ FBiH obavlja posebne zadatke u skladu sa važećim zakonima, Sporazumom o saradnji sa Civilnom zaštitom i drugim propisima.